


E caso di Natalee a bira "atraccion turistico" tambe

Hopi turista sacando potret na Corte



ORANJESTAD(AAN):
Manera ta conoci e caso di
desaparicion di Natalee Hol-

loway a hala y ta halando
hopi atencion local y
internacionalmente, unda cu
prensa Mericano a bin Aruba
masalmente.

Tambe tin algun miembro di
prensa Hulandes presente na
Aruba.

DIARIO a tuma nota tambe
cu Consul Mericano
estableci na Curaçao ta na
Aruba.

Diamars durante di
tratamento di e casonan di
apelacion relaciona cu
Natalee Holloway, DIARIO
a ripara cu awor e caso aki a


bira tambe un atraccion
turistico, unda cu tabata tin
bastante turista presente
dilanti, na banda y patras di
corte, pa saca potret di e
abogado y sospechosonan
den e caso aki.

Ta worde bisa cu e caso di
Holloway quizas lo tin
consecuencianan negativo pa
Aruba, sinembargo segun
informacion nos hotelnan ta
mas yen cu nunca y awor ta
mustra manera cu tin
turistanan cu ta bin Aruba,
specialmente pa haya
recuerdonan di e caso lamen-



table di desaparicion di
Natalee Holloway.
Algun di e turistanan a te
hasta para patras di un di e

abogadonan, pa nan sali riba
pantaya di television local y
internacional.



Aki por mira e turistanan para patras di abogado mr. Carlo, pa
haya un chance di sali den potret y TV.

